

續山東考古錄卷之二十四

滄州葉圭綬子佩甫述

曹州府下

濮州

周衛鄆邑垂邑又名犬邱又越邑又曹洮邑又邾國後入衛

春秋莊公十三年單伯會齊侯宋公衛侯鄭伯於鄆杜注衛

地今東郡鄆縣又昭二十年傳公孟縶奪齊豹鄆邑

又隱公八年宋公衛侯遇於垂左傳作犬邱杜注衛地今句

陽縣東北有垂亭水經注引京相璠曰小成陽東五里有故

垂亭按小成陽今堯陵其東有會邱疑卽犬邱

續山東考古錄

卷之二十四

濮州

一 蝸角尖廬

又桓公元年及鄭伯盟於越杜注近垂地名姑係此備考

又僖公八年公會王人齊侯宋公衛侯許男曹伯陳世子欵

盟於洮杜注曹地水經注鄆城西南五十里有桃城

竹書紀年夏帝癸三十一年桀出奔三臚商師征三臚戰于

邾獲桀于焦門放之于南巢按此邾既近三臚卽周邾國或

夏舊國或三臚邑所未詳矣春秋僖公二十四年左傳管蔡

邾霍文之昭也按邾初都邾都縣後徙成陽

詳寰宇記雷澤

縣周武王封季弟戴於邾今縣北三十里成都故城是也

路史

成邾是也雷澤北三十故城是漢屬濟北晉屬東平後遷其

陽曰成陽按屬濟北者乃後漢之成縣與濟陰之成陽無涉

因杜預劉昭說而致誤也又注云寰宇記稱雷澤北有邾都

故城誤漢止有成都屬山陽非此之邾與成陽按成都本以

邠之故都得名後始徙成之陽成都固非成陽然本成所始封也山河兩戒考竟謂邠因衛逼自盛鄉遷於成陽又混入周畿內成邑愈謬矣○寰宇記此條下引孔子行成之野亦誤○春秋宣十年同盟於清邱杜注在濮陽縣東南水經注引京相璠曰在濮陽縣東南三十里元和志稱在臨濮縣西三十五里一統志云在開州東南七十里又僖十三年會於鹹杜注濮陽縣東南有鹹城一統志稱在開州東南六十里又成七年同盟於馬陵杜注在元城東南虞喜志林稱在鄆城西北六十里今州西北境僅數里馬陵斷不在州境而近志將清邱鹹馬陵皆係於州殊為失考惟瓠子河逕清邱在洮後清邱當在洮東疆理或有參錯也臨濮縣或謂卽古城濮邑亦無據

漢兖州濟陰郡鄆城縣成陽縣及句陽縣地垂又山陽郡城都

縣東境當有都關縣地

鄆城縣故城在東微南二十五里今舊城集

成陽縣故城在東南里詳下

續山東考古錄 卷二十四 濮州 二 蝸角尖廬

成都縣故城在東南里水經注瓠子河東至濟陰句

陽縣為新溝又東逕句陽之成陽城北句陽成陽則小成陽城也帝王世

紀曰堯葬濟陰成陽西北四十里是為穀林余按小成陽在

成陽西南舊本作北半里許俗嘜以為囚堯城士安蓋以是為堯

冢也又云瓠河又左逕雷澤北其澤藪在大成陽故城西一

十餘里卽舜所漁也澤之東南卽成陽縣故史記曰武王封

弟載於邠應劭曰其後乃遷於成之陽故曰成陽也地理志

曰成陽有堯冢靈臺今成陽西二里有堯陵雷澤西南十許

里有小山謂之歷山澤之東北有陶墟春秋隱公二年邠侵

衛京相璠曰廩邱縣南三十里有邠都城按成陽故城今無

址括地志濮州雷澤縣本漢成陽在州東九十一里元和志少一里

九域志作七十里寰宇記作五十里靈臺歷山今歷山廟姚墟土

人猶能指其處成陽城當在今州東南九十許里與荷澤接

界處九域志里數較準成都城在其北三十里當在州與范

縣接界處按堯陵如據酈氏在成陽西二里之說當在州東南九十許里今所謂堯陵在州東南三十五里即

穀林也道元又謂在成陽西南半里與四十里不符南半似四十之訛寰宇記堯城在鄆城東北五里東北似當作西南

後漢兖州濟陰郡鄆城縣成陽縣永元二年分濟陰於縣置成

城一作陽國六年國除懷王淑卒無子淑葬于京師蓋未就國也後漢末州來治鄆城

魏州治移廩邱鄆城未詳何屬補三國志據杜預東郡鄆城之說為魏鄆城已屬東郡之證意謂晉已改東郡為濮陽國也不知太康十年濮陽王允移封淮南濮陽仍名東郡杜注左傳正在其時不足為魏鄆城改屬之

續山東考古錄 卷之二十四 濮州 三 蝸角尖廬

證黃初三年為縣王國四年復故王植徙封雍邱七年復為國太和十

年復故王林進封沛

晉兖州濮陽國即漢東郡晉改鄆城縣又濟陰郡成陽縣及句陽縣地

東晉濟陰郡來治成陽後燕慕容垂徐州治鄆城

水經注稱鄆城為沅州舊治考後漢末兖州治此魏晉皆治

廩邱是治此未久也但注又引晉八王故事曰東海王越治

鄆城無故自壞七十餘丈越惡之移治濮陽城又晉書永嘉

四年石勒東襲鄆城兖州刺史袁孚戰敗永和七年石祇兖

州刺史劉啟自鄆城奔晉又苻堅兖州刺史張崇棄鄆城奔

慕容垂是晉兖州治廩邱未久而常治鄆城矣後燕兖州移

梁父或東阿故其徐州治此

寰宇記雷澤縣本漢成陽縣晉南遷之後濟陰郡

或訛作縣字文周以

前無濟陰縣

移理於此 又云宋無郵城縣考東晉末劉牢之據

郵城不久即入於魏漢濟陰故地宋所未有不僅一縣也

後魏司州濮陽郡郵城縣城陽縣又頓邱郡臨黃縣析衛國縣

置真君三年省入衛國太和十九年復

臨黃縣故城在東北二十六里今臨黃集

高齊 州濮陽郡治郵城縣省城陽及臨黃縣周因之

隋志郵城舊置濮陽郡蓋齊自黎城徙此

隋

郵州

郵城縣雷澤縣

魏州武陽郡

臨黃縣開皇初廢濮陽郡六

續山東考古錄

卷之二十四

濮州

四

蝸角尖廬

年復臨黃縣十六年於郵城置濮州析置雷澤縣臨濮縣析臨

黃置河上縣並屬之大業初州廢省臨濮入郵城省河上入臨

黃各來屬

元和志雷澤縣本漢成陽縣開皇六

上脫十字

年於此置雷澤縣

雷夏澤在縣北郭外歷山在縣北十六里與水經注方向里

數皆不合王晦叔曰成陽故城西北為雷澤縣則非即成陽

城矣而志又云堯陵在縣西三里又似即成陽城者

臨濮縣故城在南六十里今臨濮集元和志本成陽縣地

河上縣故城無址可考紀要謂即河牧城

詳雜考

唐河南道濮

州

治郵城縣又雷澤縣臨濮縣武德四年復於

鄆城置濮州又復臨濮縣新唐志失載復置析鄆城置永定縣

析雷澤置長城縣安邱縣並屬之五年省長城安邱入臨濮入

年省永定入鄆城省廩城見范入雷澤又河北道澶州臨黃縣

武德四年屬莘州貞觀元年屬魏州大曆七年屬五代因之

永定縣故城在東南六十二里今永平集九域志雷澤有永

平鎮

長城安邱兩縣治無考 長城州境所無與安邱皆不解命

名之義曹魏城陽郡治東武長城在其南安邱鄰其北二縣

似因成陽而誤否則偶借為名耳

宋京東西路濮州治鄆城縣又雷澤縣臨濮縣端拱初省臨

續山東考古錄 卷之二十四 濮州 五 蝸角尖廬

黃入觀城臨黃城未詳何時析入鄆城

金大名路濮州治鄆城縣省雷澤臨濮入之為鎮

通考濮州金隸山東大名路山東字衍又云金人偽廢雷澤

臨濮二縣為鎮金志鄆城有雷澤鎮臨濮鎮蓋金初廢

元直隸都省山東濮州治鄆城州初屬東平路至元五年析隸

省部

明山東布政司東昌府濮州洪武二年廢鄆城縣其地直隸於

州來屬附洪武初置濮州千戶所

明濮州即今治明史景泰三年以河患徙於王村五代史後

唐同光元年八月梁將段凝將全軍五萬營於王村自高陵

津在州東北濟河又明宗天成元年三月指揮使潘環守王
詳水道考
村卽此

國朝山東布政司曹州府濮州初因明舊雍正八年直隸布政
司十三年降散州來屬 裁千戶所

州志乾隆二十年修沿革秦以濮陽治東郡此本通典秦

滅濮陽卽衛國置東郡改二字便不通 東漢易爲濟陰郡

置鄆城郡按錯繆不待言文義直不通 煬帝分入東平

濟北三郡此本寰宇記脫一東郡 石晉屬澶州按石晉

濮陽縣屬澶州鄆城自爲濮州治能屬澶州耶 宋廢臨

濮濮陽二縣爲鎮隸鄆城按金廢雷澤臨濮並非宋廢臨

續山東考古錄

卷之二十四

濮州

六 蝸角尖廬

濮濮陽 金領縣四鄆城雷澤臨濮范按金州只領鄆城

范二縣 元隸行中書省多行字 以上舛繆百出而州境在某代爲某某縣槩不

之及此唐宋濮州沿革縱令不誤亦非今州志體裁古蹟穀林在東南九十里誤於

水經注成陽西半里之說 帝邱昆吾墟不在州境 古

胙國在古濮陽此杜撰

范縣

周魯秦邑高魚邑齊廩邱邑衛羊角邑陽晉邑

春秋莊公三十一年築臺於秦杜注東平范縣西北有秦亭

按今壽張之范城橋卽漢范縣今縣東二十里之范縣故城

在范城橋西北卽古秦邑蓋後魏分置者 晉書邵續使文

亭
鴛救劉演石虎退屯盧津關文鴛亦弗進屯於景亭疑卽秦

高魚城當在東境 廩邱城卽漢縣 羊角城卽晉廩邱縣

春秋襄公二十六年左傳齊人城邾之歲二十四年其夏齊烏餘

以廩邱奔晉襲衛羊角遂襲我高魚杜注廩邱東郡廩邱縣

故城是羊角今廩邱縣所治羊角城是高魚廩邱東北又詳下

陽晉邑故城在東南 里戰國策張儀曰秦劫衛取陽晉

漢兗州東郡廩邱縣及范縣地又山陽郡都關縣

廩邱縣故城在東南 里詳下

都關縣故城在南 里舊以鄆城漢黎縣爲漢廩邱治

續山東考古錄

卷之二十四

范縣

七 蝸角尖廬

因而羊角高魚陽晉都關諸城皆係鄆城繆矣水經注瓠子

河篇濮水支渠逕小成陽城東垂亭西北入瓠河地理志曰

濮水首受濟於封邱北至都關入羊里水者也羊里水卽瓠河可證今濮

州東境有都關縣地又按地理志山陽郡有都關縣今其城在廩邱城

西考地理山陽廩邱俱屬濟陰則都關無隸山陽理又按地

理志鄆都亦是山陽屬縣而京杜考地驗城又並言在廩邱

城南推此而論似地志之誤或疆理參差所未詳又瓠河逕

雷澤北河之北卽廩邱縣也其時成都省入也縣南瓠北有羊角城

廩邱東北有故高魚城俗謂之交魚城謂羊角爲角逐城皆

非也瓠河又逕陽晉城南在廩邱城東南一十餘里與都關

爲左右矣據此及所引京相璠運城古鄆城在廩邱東八十里

之說則廩邱城當在今范縣東南魏志廩邱有左伯桃冢寰

宇記左伯桃墓在范縣指秦城東南五十里新安村縣東南義

城寺東有左伯桃墓縣舊志羊角城一名義城是也新志以爲不知

南何據此因羊左高陽晉與都關爲左右則都關城當在廩邱

義以名其城耳城西南十許里陽晉城當在縣與鄆城接界處史記正義以

唐縣當之誤也惟高魚城去廩邱城無里數或在鄆城西北

亦未可知前漢都關與山陽他縣不接壤道元疑之固是但

鄆都與都關雖隔廩邱疆理牙錯容相接也山陽廩邱山字

疑是成字之訛蓋山陽郡名不得云屬濟陰又廩邱前漢屬

續山東考古錄 卷之二十四 范縣 八 蝸角尖廬

東郡後漢方屬濟陰 紀要廩邱係范縣最合而都關係曹

州陽晉係曹縣蓋取鄆注核對之

後漢兖州濟陰郡廩邱縣及東郡范縣地魏徙州治廩邱廩邱

還屬東郡

補三國志東郡廩邱下漢屬濟陰王觀傳東郡廩邱人沈志

以爲後漢無此縣微誤當云後漢屬濟陰爲是按廩邱前漢

本屬東郡魏復故耳

晉兖州治濮陽國廩邱縣州治縣之故城又東平國范縣地

晉廩邱縣故城在東南七十里本羊角城今義城寺見前晉志

廩邱有羊角城有當作治蓋州治其故城遂徙縣治此疑魏

已徙也 劉宋無廩邱范縣寄治郡下今縣境非所有

後魏濟州東平郡范縣太常中析兗州東平郡范縣於秦亭城

置又於縣置東平郡太和末罷郡建義中復又司州濮陽郡治

廩邱縣郡治縣之黎縣故城今為鄆城地晉武封子允為濮陽

王本東郡也以東不可以名國故改後徙封淮南仍名東郡趙王倫封廢太孫臧為濮陽王又名濮

陽後魏東郡治滑臺城於黎城別置濮陽郡 高齊廢濟州之東

平郡及范廩邱二縣與周末詳為何縣地 後魏濟州范縣故城在東二十里

魏志廩邱下無羊角城當仍晉治

隋濟州范縣開皇十六年復置於秦城又鄆州雷澤縣地

高齊兩范縣皆廢隋復置此范縣漢治遂廢近志不察並有

續山東考古錄 卷之二十四 范縣 九 蝸角尖廬

以此為參龍城者縱為古范邑晉士會始食於范並非劉累

所居縱累居此累為夏后御龍參龍當在夏都何得以范城

為參龍城耶縣有龍王莊近志以為參龍地附會可哂

唐河南道濮州范縣及雷澤縣地武德二年置范州四年置

廩城縣屬濮州五年范州廢范屬濟州貞觀八年屬省廩城入

雷澤縣五代因之廩城縣治當 即漢廩邱縣

新唐志稱於范縣置范州寰宇記范州領范一縣而舊唐志

云范州治昆吾城考昆吾城在直隸開州東二十五里范州

安得治彼乎或曰縣有顧國城詳壽 張或州治顧城因韋顧昆

吾皆夏國名而誤歟備考

宋京東西路濮州范縣又雷澤縣地

金大名路濮州范縣

元直隸都省山東濮州范縣初屬東平路至元五年屬

明山東布政司東昌府濮州范縣洪武三年省尋復

明范縣即今治明志洪武二十五年故城圯於河徙今治

國朝山東布政司曹州府范縣初因明舊雍正八年屬濮州直

隸州十三年屬

縣志嘉慶十四年修古蹟廩邱羊角皆在南七十里按廩

邱在羊角北去縣似當稍近廩邱曾治羊角此去縣里數

相同恐仍指羊角城也又云水保東南九里有廩邱陂新

續山東考古錄

卷之二十四

范縣

十 蝸角尖廬

安村即義城在水保北五里此陂即鄆城廩邱陂隋於其

內漢黎縣故城置廩邱縣不足為漢城之証如漢城在彼

反在羊角南矣修志者當據酈注再考 范舊城在東南

二十里秦臺在南三里按不知此舊治即魯秦邑故不知

在南三里之秦臺出於附會也

觀城縣

夏觀國地周衛國地後人魏又入齊漢兖州東郡畔觀縣地後

漢改衛公國縣建安十七年屬魏郡魏屬陽平郡三國魏志樂

人補三國志仍屬魏郡殊失考晉司州頓邱郡衛縣地後魏衛國縣地後漢志

國而縣名第稱衛國非始後魏臨黃縣地真君三年并有臨黃尋復置齊周因

之隋魏州武陽郡觀城縣地開皇六年改衛國曰觀城又臨黃縣地

唐河北道澶州觀城縣地臨黃縣地貞觀十一年省觀城入昌樂臨黃大曆十七年復五代因之

夏觀國周衛觀邑漢畔觀縣後漢衛公國縣晉衛縣後魏衛

國縣隋唐五代觀城縣故城在今直隸大名府清豐縣南五

里在縣西南五十里竹書紀年夏啟十一年王放季子武觀

於西河注武觀即五觀也今頓邱衛縣紀年考證曰此注及

七字近本皆細書分行係於紀下考始平頓邱皆晉郡名二

段自是休文注說否則晉人校詞而沈述之按惟晉名衛縣

不獨二郡名足據也漢志畔觀下應劭注夏有觀扈謂此即觀扈之觀

經注引此接云即此城也本欠分晰元和志觀城古之觀國

今有於縣立石曰古觀扈國繆矣

續山東考古錄 卷二十四 觀城縣 土 蝸角尖廬

國語注曰夏啟子太康第五弟所封也在衛縣夏相滅之按

水經注云武觀蓋其名也武觀第五以封於觀故謂之五觀

也後漢志衛公國下云本觀故國姚姓山河兩戒考以為姚

當作妣理或然也薛氏瓚謂即埧灌考埧灌近濰水必紀

非此地或謂自此遷彼無據詳濰縣年惠成王二年齊田壽伐我圍觀觀降我字水經注及路史

引皆作趙字誤也通鑑周顯王元年齊伐魏取觀津胡注以為畔觀縣最當或

因此而以觀城為信都觀津縣失之遠矣 元一統志畔觀

故城在觀城縣西安定鄉畔觀村考縣西七里即直隸清豐

縣界並無此城據水經注衛國縣與濮陽分水衛國在水北

濮陽在水南濮陽故城在開州東南三十里當在今濮州西

六十里

元和志濮陽州西八十里其時州治故郵城縣也

衛國故城當在濮州西北

五六十里清豐境內唐省觀城復置於觀城店

見舊唐志

自漢迄

隋未徙治

魏志衛國有衛國城考水經注浮水逕國邑城北今本城北二又東逕衛國縣故城北蓋漢封衛公

於此為周後與縣不同城其故城在清豐西南十五里魏志所有指此城非徙治

元和志觀城縣西

至澶州所治頓邱縣僅二十四里頓邱故城在清豐西南二

十五里清豐南五里有古城

宋慶曆中清豐會治此

西去頓邱故城二

十四里非觀城縣而何特以今縣與故城分隸兩布政司而

其城又曾為清豐治

清豐本唐析昌樂頓邱置其故城在今清豐西北十八里宋徙觀城故城嘉祐

中又徙國邑故城後始徙今治故知者少耳

宋河北東路開德府澶

淵州

觀城縣皇祐元年省入濮陽頓邱

續山東考古錄

卷之二十四

觀城縣

三

蝸角尖廬

四年復

宋觀城縣即今治寰宇記澶州觀城縣在州東北七十里九

域志作九十里考五代梁貞明時晉王存勗遣李存審於德

勝渡築南北二城通鑑胡注兩城相距三十里

兩城在黃河兩岸其時河

廣如

石晉天福三年移澶州治南城

頓邱縣並徙

宋熙寧十年圮

於水徙北城然南北二城宋時皆稱澶州城北城至今縣七

十許里南城至今縣九十許里故寰宇記九域志里數不同

北城即今直隸開州城至今縣百里疑石晉時已徙治於此

故宋志不載徙治事觀錄據寰宇記疑宋初治縣南二十里

之古城據九域志謂徙今治蓋不知所指州城不同也又因

十里之差疑元豐後又徙泥矣

寰宇記觀城古蹟大抵因舊未改如衛靈公墓在南四十

里即元和志文最足貽誤

金大名路開州觀城縣

元直隸都省山東濮州觀城縣

明山東布政司東昌府濮州觀城縣洪武二年省尋復

國朝山東布政司曹州府觀城縣初因明舊雍正八年屬濮州

直隸州十三年來屬

縣志

道光十七年修知縣孫觀

志大抵原本觀錄雖欠精核頗詳贍

朝城縣

漢東武陽縣地後漢初平二年於此築新城移東郡及縣來治

續山東考古錄

卷之二十四

觀城縣

三 蝸角尖廬

建安十七年縣屬魏郡

東郡當還治濮陽縣

魏東武陽縣屬陽平郡黃初

六年為縣王國是年復故

王鑒卒無後

三國志魏紀初平二年袁紹表太祖為東郡太守治東武陽

據水經注治東武陽新城也

詳下

又水經注引魏土地記曰倉

亭津在東武陽東北七十里東阿西南六十里如東武陽猶

在故城

莘縣南

則倉亭津不能在其東北是新城築而縣並徙

也 又魏紀建安十七年割東郡東武陽益魏郡

晉司州陽平郡東武陽縣後魏除東字高齊廢周復置屬毛州

陽平郡

晉書升平二年泰山太守諸葛攸攻燕東郡入武陽蓋燕復

名東郡疑復治武陽也

隋魏州武陽縣

唐河北道魏州朝城縣貞觀十七年省武陽入臨黃及莘縣永

昌元年置武聖縣於此開元七年改今名元和中屬澶州後屬

天祐三年復名武陽五代復今名

宋河北東路開德府澶州朝城縣初因唐舊崇寧四年屬

水經注河水逕委粟津浮水入河於東武陽縣又有漯水出

焉水上承河水於武陽縣東南西北逕武陽新城東曹操為

東郡所治也引水自東門石竇北注於堂池中城內又立一

石甚大城西門名冰井門門內曲中水井猶存門外有故臺

續山東考古錄

卷之二十四

朝城縣

西 蝸角尖廬

號武陽臺而臺亦有隅雉遺跡自城東北逕東武陽縣故城

南按元和志朝城縣武水即在東十步黃河在東二十九里

武陽臺在西南一里是唐朝城縣即東武陽新城無可疑者

今縣東二十餘里接陽穀界有古沙河即河水自范縣秦城

西委粟津東北流故道與黃河在東二十九里合城西南三

里有武陽臺俗曰會盟臺城西二里名舊縣坡與武陽臺在

西南一里合城西有小河自東南來即漯水分水入城遺跡

今治又即唐朝城縣亦無可疑者蓋古有中外兩城城甚大

唐時猶有外城元和志扁鵲墓在羅城內即外城今治蓋其中城故武陽臺

在三里外舊縣坡在二里外也但舊唐志昌樂下有故朝城

紀要稱唐縣在縣西四十里韓張店

九域志朝城鎮一曰韓張

其地東去

黃水漯水故道皆太遠其誤甚明宋史河渠志云明道二年

移朝城於社婆鎮紀要謂即今治但地志不載未敢從存疑

俟再考

紀要稱縣南十七里有古朝城唐名縣以此與舊唐志在昌樂之說亦不符府志稱東武陽故城在東南

武陽臺不能在其西門外似誤魏武為東郡水并武陽臺皆在新城後漢書注寰宇記皆混入故城禹貢錐指亦混引水

自東門注於堂池於故城近志不足責矣

金大名路大名府朝城縣

元直隸都省山東濮州朝城縣初屬東平路至元五年屬

明山東布政司東昌府濮州朝城縣洪武三年省尊復

舊縣志稱洪武五年城圯於水徙今治考今治有宋元人建

續山東考古錄

卷之二十四

朝城縣

五

蝸角尖廬

學碑非明徙矣此與宋明道徙治之說或皆暫避水患旋返

故地歟

國朝山東布政司曹州府朝城縣初因明舊雍正八年屬濮州

直隸州十三年屬

縣志

康熙十二年修知縣祖植桐

沿革漢興以二千石領之是謂前漢

東郡已治此矣繆

隋武陽郡繆

曹州府補遺

荷澤縣

元史百官志大德二年置曹州長官司掌民一百有五戶

曹縣

山河兩戒考楚邱凡五隱七年戎伐凡伯於楚邱蓋戎州己氏
邑僖二年城楚邱注曰衛邑不言城衛衛未遷此楚邱魯自城
之與書城中邱城小穀同故不言城衛程畏齋曰楚邱魯地子
貢詩傳僖公城楚邱以備戎史克頌之賦楚宮是也襄十年左
傳宋公享晉侯於楚邱杜無注當屬宋今在歸德府北四十里
也水經注曰晉幽公二年魯季孫會晉幽公於楚邱卽葭密遂

續山東考古錄

曹補

一 蝸角尖廬

城之在曹縣西北三十里按子貢詩傳係偽書不足據且城以
備戎亦當與戎州相近歸德之北與縣接壤是數十里內有三
楚邱恐無此理水經注引紀年文本作取葭密蓋葭密之西數
十里卽衛楚邱此五楚邱仍兩楚邱耳葭密不在曹縣 括地
志貫城在濟陰縣南三十里唐濟陰治左城貫城亦當在縣西
北矣史記齊宣公伐衛取母邱山河兩戒考謂貫卽母邱此城
在曹宋之間似不能爲衛地當從杜注

定陶縣

後漢書耿純傳父艾爲王莽濟平尹注莽改定陶國爲濟平也
按地志濟陰郡無莽名而宛句縣下稱莽改定陶爲濟平改宛

句爲濟平亭如爲郡守當稱大尹艾當是定陶縣令耳

又獻帝興平二年曹操襲定陶濟陰太守保南城按唐以前州郡與所治縣多不同城卽以山東論漢千乘郡有南北二城齊郡有東西二城膠東高密東平濟北並別有國城此濟陰郡有南城必有北城當亦一郡城一縣城也平原故城舊唐書與括地志互異並見前或亦郡縣異城乎東莞郡城後名團城非東莞縣城也東安郡城在蓋縣境非東安縣城亦非蓋縣城也長廣郡別有郡城非長廣縣城也晉兗州治廩丘故城濟北國治盧子城青州別築廣固城及東陽城劉宋兗州治瑕丘故城陽平郡治平陸故城濟北郡治故肥城高密郡治桑犢故城僑魏郡續山東考古錄

曹補

二 蝸角尖廬

治故臺縣城平原郡治故梁鄒城廣川郡治廣川郡城高陽郡治高陽郡城勃海郡治臨濟故城後魏陽平郡治故館陶城滄州安德郡別治郡城南清河郡治莒城蘭陵郡治故承城沛郡治孝昌城平昌郡治嶧城故城齊州有東西二城北徐州別築州城南青州治團城高齊長廣郡治中郎城永昌郡治成武故城故隋志惟瑕邱陽信卽邱三縣書帶郡餘不帶郡可知惜不可盡考耳唐以後所治縣始並倚郭此地理家所當知也

鉅野縣

齊書皮景傳鄭子饒破乘氏縣是乘氏齊末猶未廢或周省也

單縣

單父呂氏春秋作亶父魏王僧墓銘作善甫

後漢書宦者傳侯覽封高鄉侯覽本防東人唐之高鄉縣卽覽封邑矣

宋書髡安都傳申坦求回軍討任榛安都當回左城左城去滑臺二百餘里安都以去虜鎮近軍少不宜分行至東坊城遇任榛三騎云云按左城在今曹縣任榛在任城東坊卽坊東城矣舊五代史杜晏球傳梁末帝時授單州刺史按後唐改輝州爲單州梁無單州也新史作澶州

城武縣

山河兩戒考部國杜注在武城劉君難杜曰部城北部城俱是續山東考古錄

曹補

三 蝸角尖廬

成武縣東南相去不遠何爲部國何爲宋邑孔仲達曰劉以南部北部並宋邑別有部國以規杜氏部國竟在何處按此兩部自是一宋邑一部國劉氏謂兩皆宋邑似亦無據路史云今登封縣有廢部城是爲南部考在登封者漢陽城縣唐武氏改名告成若杜佑謂考城爲南部則以考部音近而云然不足據路史引括地志重邱在成武東北三十一里按在成武東北者乃梁邱非重邱又謂重邱在濟陰東北三十一里卽括地志成武之重邱更謬

隋書于仲文傳尉遲迥所署曹州刺史李仲康屯城武別將高士儒屯永昌又仲文上書有云安城武定永昌蓋是時城武猶

治部城而永昌郡治城武城也

濮州

五代史翟光鄴傳濮州鄆城人父景珂梁晉相距於河上景珂率邑人守永定驛晉人攻之踰年不能下卽唐永定縣城矣九國志侯瓚城濮人初從黃巢爲賊後仕梁終滁州刺史按唐無城濮縣梁諱城字縣名有城字者多改又不應有此縣名當是臨濮之訛也

元史世祖紀憲宗己未夏五月駐小濮州商挺申屠致遠傳稱小濮李昶傳稱濮州按小濮州今開州東南六十里古定鎮

范縣

續山東考古錄

曹補

四 蝸角尖廬

後魏濟州東平郡治范縣提綱脫載治字